

爾時佛在舍衛國祇樹給孤獨園。是時世尊思惟觀察。愍未來諸眾生故。說是七俱胝佛母心准提陀羅尼法 ...
《佛說七俱胝佛母心大准提陀羅尼經》

gustav / September 23, 2013 10:22PM

[爾時佛在舍衛國祇樹給孤獨園。是時世尊思惟觀察。愍未來諸眾生故。說是七俱胝佛母心准提陀羅尼法 ...
《佛說七俱胝佛母心大准提陀羅尼經》](#)

◎ 爾時佛在舍衛國祇樹給孤獨園。是時世尊思惟觀察。愍未來諸眾生故。說是七俱胝佛母心准提陀羅尼法。

~ 《佛說七俱胝佛母心大准提陀羅尼經》，大唐天竺三藏地婆訶羅譯 ([CBETA全文](#))

T20n1077_p0185a04(00)||
T20n1077_p0185a05(00)||
T20n1077_p0185a06(00)||
T20n1077_p0185a07(00)||
T20n1077_p0185a08(00)|| No. 1077 [Nos. 1075, 1076]
T20n1077_p0185a09(00)||
T20n1077_p0185a10(13)|| 佛說七俱胝佛母心大准提陀羅尼經
T20n1077_p0185a11(00)||
T20n1077_p0185a12(00)|| 大唐天竺三藏地婆訶羅譯
T20n1077_p0185a13(00)|| 爾時佛在舍衛國祇樹給孤獨園。
T20n1077_p0185a14(04)|| 是時世尊思惟觀察。愍未來諸眾生故。
T20n1077_p0185a15(06)|| 說是七俱胝佛母心准提陀羅尼法。即說咒曰。
T20n1077_p0185a16(00)|| 南謨颯哆南(一)三藐三勃陀俱胝南(二)
T20n1077_p0185a17(00)|| 怛姪他(三)唵折戾(四)主戾(五)准締(六)娑
T20n1077_p0185a18(00)|| 婆訶(七)
T20n1077_p0185a19(00)|| 若有比丘比丘尼優婆塞優婆夷。
T20n1077_p0185a20(04)||
T20n1077_p0185a21(22)|| 受持讀誦此陀羅尼滿八十萬遍無量劫來所造五無間等。一切諸罪皆悉消滅。
T20n1077_p0185a22(06)|| 所在生處皆得值遇諸佛菩薩。所有資具隨意充足。
T20n1077_p0185a23(02)|| 生生常得出家。具持菩薩律儀淨戒。
T20n1077_p0185a24(04)|| 恒生人天不墮惡趣。常為諸天之所守護。
T20n1077_p0185a25(05)|| 若有在家善男女等誦持之者。
T20n1077_p0185a26(10)|| 其家無有災橫病苦之所惱害。諸有所作無不諧偶。
T20n1077_p0185a27(06)|| 所說言語人皆信受。若有誦此陀羅尼咒滿十萬遍。
T20n1077_p0185a28(02)|| 夢中得見諸佛菩薩聲聞緣覺。
T20n1077_p0185a29(07)|| 自見口中吐出黑物。若有重罪誦滿二十萬遍。
T20n1077_p0185b01(05)|| 夢中亦見諸佛菩薩。亦復自見吐出黑物。
T20n1077_p0185b02(04)|| 若有五逆罪。不得如是善夢之者。
T20n1077_p0185b03(07)|| 宜應更誦滿七十萬遍。是時還得如前之相。
T20n1077_p0185b04(06)|| 乃至夢見吐出白色如酪飯等。當知此人即是罪滅。
T20n1077_p0185b05(02)|| 清淨之相。
T20n1077_p0185b06(00)|| 復次我今說此大陀羅尼所作之事。
T20n1077_p0185b07(03)|| 若於佛像前。或於塔前若清淨處。以瞿摩夷塗地。
T20n1077_p0185b08(00)|| 而作方壇隨其大小。
T20n1077_p0185b09(08)|| 復以花香幡蓋飲食燈燭。隨力所辦而供養之。
T20n1077_p0185b10(07)|| 復咒香水散於四方上下以為結界。於壇四角及壇中央。
T20n1077_p0185b11(01)|| 皆各置一香水之瓶。持咒之者於其壇中。
T20n1077_p0185b12(02)|| 面向東方胡跪。誦咒一千八遍。
T20n1077_p0185b13(06)|| 其香水瓶即便自轉。叉手捧雜花。咒千八遍。散一鏡面。
T20n1077_p0185b14(00)|| 又於鏡前正觀。誦咒亦千八遍。
T20n1077_p0185b15(03)|| 得見佛菩薩像。應咒花百八遍。而散供養。
T20n1077_p0185b16(02)|| 隨請問法無不決了。
T20n1077_p0185b17(10)|| 若有鬼病以咒茅草而拂病人即得除愈。若有幼小為鬼所著。
T20n1077_p0185b18(03)|| 以五色纁應令童女搓以為線。
T20n1077_p0185b19(07)|| 一咒一結滿二十一。用繫其頸。以芥子咒滿七遍。
T20n1077_p0185b20(03)|| 散其面即便除差。

T20n1077_p0185b21(00)	復次有法。於病者前墨畫其形。
T20n1077_p0185b22(04)	咒楊枝打之。亦便除差。
T20n1077_p0185b23(00)	復次有法。若有病人為鬼所著身在遠處。
T20n1077_p0185b24(00)	應咒楊枝具滿七遍。
T20n1077_p0185b25(07)	寄人持打即亦除差。
T20n1077_p0185b26(00)	復次有法。若在路行誦此咒。
T20n1077_p0185b27(05)	無有賊盜惡獸等畏。
T20n1077_p0185b28(00)	復次有法。常持此咒。設有諍訟無不獲勝。
T20n1077_p0185b29(00)	若欲往渡江河大海。
T20n1077_p0185c01(09)	誦咒而渡無有水中惡獸等難。
T20n1077_p0185c02(00)	復次有法。若被繫閉枷鎖禁其身。
T20n1077_p0185c03(03)	誦此咒者即得解脫。
T20n1077_p0185c04(00)	復次有法若諸國土水旱不調。疫毒流行。
T20n1077_p0185c05(00)	應以酥和胡麻粳米。用手三指取其一撮。
T20n1077_p0185c06(01)	咒之一遍置火中燒。或經七日七夜。
T20n1077_p0185c07(04)	六時如是相續不絕。一切災疫悉皆消滅。
T20n1077_p0186a01(00)	復次有法。於河渚間砂渾之上。以印。
T20n1077_p0186a02(01)	印砂為塔形像。誦咒一遍印成一塔。
T20n1077_p0186a03(03)	滿六十萬遍。或見觀世音菩薩。或見多羅菩薩。
T20n1077_p0186a04(00)	或見金剛主菩薩。隨心所求皆得滿足。
T20n1077_p0186a05(00)	或見授與仙藥。或見與受菩提之記。
T20n1077_p0186a06(00)	復次有法。右邊菩提樹像。誦咒滿千萬遍。
T20n1077_p0186a07(00)	即見菩薩為其說法。欲隨菩薩即得隨從。
T20n1077_p0186a08(00)	復次有法。若乞食時常持此咒。
T20n1077_p0186a09(05)	不為惡人惡狗等類之所惱害。
T20n1077_p0186a10(09)	若於塔前或佛像前或舍利塔前。誦持此咒三十萬遍。
T20n1077_p0186a11(04)	復於白月十五日設大供養。一日一夜不食正念誦咒。
T20n1077_p0186a12(00)	乃至得見金剛手菩薩。
T20n1077_p0186a13(07)	而彼菩薩即將是人往於自宮。
T20n1077_p0186a14(00)	復次有法。若於轉法輪塔前或佛生處塔前。
T20n1077_p0186a15(00)	或從忉利天下寶階塔前或舍利塔前。
T20n1077_p0186a16(02)	於如是等諸塔之前誦咒右邊。
T20n1077_p0186a17(07)	即見阿鉢羅是多菩薩及訶利底菩薩。隨其所願皆悉滿足。
T20n1077_p0186a18(01)	若須仙藥即便授之。復為說法示菩薩道。
T20n1077_p0186a19(02)	若有誦此陀羅尼者。乃至未坐道場。
T20n1077_p0186a20(05)	一切菩薩常為善友。又此准提大陀羅尼大明咒法。
T20n1077_p0186a21(02)	過去一切諸佛已說。未來一切諸佛當說。
T20n1077_p0186a22(02)	現在一切諸佛今說。我今亦如是說。
T20n1077_p0186a23(04)	為利益一切眾生故。令得無上菩提故。
T20n1077_p0186a24(05)	若有薄福眾生。無少善根者。無有根器之者。
T20n1077_p0186a25(04)	無有菩提分法者。若得聞此陀羅尼法。
T20n1077_p0186a26(06)	速疾證得阿耨多羅三藐三菩提。若有人能常自憶念。
T20n1077_p0186a27(01)	誦持此咒。無量善根皆得成就。
T20n1077_p0186a28(06)	佛說此大准提陀羅尼法時。無量眾生遠塵離垢。
T20n1077_p0186a29(04)	得大准提陀羅尼大明咒功德。
T20n1077_p0186b01(09)	得見十方諸佛菩薩諸聖眾等作禮而去。
T20n1077_p0186b02(00)	
T20n1077_p0186b03(17)	大明咒藏六萬偈中出此七俱胝佛母心大准提陀羅尼經一卷(垂拱二年於西魏國寺譯)